

plus que trois enfans, c'estoient trois filles; l'une mariée, l'autre aagée d'enuiron trois ans, & l'autre d'un an: La plus âgée est morte fans enfans en la fleur de son aage; son pauvre pere la voyant trespaffée, nous a renuoyé son corps de quarante lieues loing pour estre mis au cimetièr des Chrestiens. Il nous donna celle qui n'auoit que trois ans pour estre élevée chez quelque Famille Française, & afin qu'elle ne s'ennuyast pas il luy donna pour compagne une autre petite fille sa parente, dont Monsieur Gand, vray pere des pauvres, prit le soin payant sa pension, comme nous faisons de ceux que nous tenons chez quelques Familles. Dieu a pris pour foy la fille de ce Capitaine, & a laissé l'autre; si bien qu'il ne luy reste plus qu'un enfant qui est encor à la mammelle d'un grand nombre que Dieu luy auoit donné: [112] Au bout du compte toutes ces afflictions ne l'ont point esbranlé. Le Pere qui residoit à Sillery, où s'est fait la Reduction des Sauvages, entrant un iour dans sa cabane, le treuua tenant & baissant un petit Crucifix qu'on luy auoit donné; voyant le Pere, il luy dit: Nikanis, j'ay recours en mes afflictions à celuy qui est mort pour moy; fois assure que ie croy en luy du fond de mon cœur; ie ne vous ay point menty quand ie vous ay donné parole que ie ne quitterois point la Foy.

Quelques Sauvages venus de Tadouffac logez dans sa cabane, n'auoient guiere d'inclination à nostre creance, se gauffant quand on en vouloit parler, luy, pour leur imposer silence dit tout haut qu'il croyoit en Dieu, & qu'il le vouloit prier, inuitant le Pere qui se trouua là de l'instruire, & de le venir voir tous les iours pour le même subiect; le Pere prenant donc la parole, deman-